



選詩上集

博陵劉大文澹然校

戰國

○ 渡易水歌

荆軻

燕太子丹使荆軻刺秦王丹祖送於易水上高漸

離擊筑荆軻歌宋如意和之曰

風蕭蕭兮易水寒壯士一去兮不復還

漢

○ 大風歌

漢高帝

一 高祖還過沛留置沛宮悉召故人父老子弟佐酒

發沛中見得百二十人教之歌酒酣上擊筑自歌

曰

大風起兮雲飛揚威加海內兮歸故鄉安得猛士兮守四方

8 諷諫詩

韋孟

孟為元王傅子夷王及孫王戊戌荒淫不遵道作

詩諷諫

肅肅我祖國自豕韋黼衣朱黻四牡龍旂彤弓斯征撫寧遐荒總齊群邦以翼大商迭彼大彭勳績維光至于有周歷世會同王赧聽譖寔絕我邦我邦既絕

厥政斯逸賞罰之行非由

善本作

王室庶尹群后靡

靡衛五服崩離宗周以墜我祖斯微遷于彭城在予

小子勤唉厥生阨此嫚秦耒耜斯耕悠悠嫚秦上天

不寧乃眷南顧授漢于京於赫有漢四方是征靡適

不懷萬國攸平乃命厥弟建侯于楚俾我小臣維傅

是輔矜矜元王恭儉靜一惠此黎民納彼輔弼享國

漸世垂烈於後乃及夷王克奉厥次

五臣作緒

咨命不永

惟王統祀左右陪臣斯維皇士如何我王不思守保

不惟履水以繼祖考邦事是廢逸遊是娛犬馬悠悠

是放

五臣本作田獵

是驅務此鳥獸忽此稼苗蒸民以匱我

王以媮所弘匪德所親匪俊維囿是恢維諛是信諭
諭諂夫諤諤黃髮如何我王曾不是察既藐下臣追
欲縱五臣作樂逸嫚彼顯祖輕此削黜嗟嗟我王漢之睦
親曾不夙夜以休令聞穆穆天子臨照下土明明群
司執憲靡顧正遐由近殆其茲怙嗟嗟我王曷不斯
思匪思匪監嗣其罔則彌彌其逸岌岌其國致冰匪
霜致墜匪慢瞻維我王時靡不練興國救顛孰違悔
過追思黃髮秦繆以霸歲月其徂年其逮耆於赫君
子庶顯于後我王如何曾不斯覽黃髮不近胡不時

鑒

○ 詩四首

蘇武

骨肉緣枝葉結交亦相因四海皆兄弟誰爲行路人
況我連枝樹與子同一身昔爲鴛鴦今爲參與辰
昔者常相近邈若胡與秦惟念當乖離思情日以新
鹿鳴思野艸可以喻嘉賓我有一尊酒欲以贈遠人
願子留斟酌叙此平生親

○ 二

結髮爲夫妻恩愛兩不疑歡娛在今夕嫵婉及良時
征夫懷往路起視夜何其參辰皆已沒去去從此辭
行役在戰場相見未有期握手一長歎淚爲生別滋

情至而涉意稍
疎不及李

涉意渾淪六後
切篤

努力愛春華莫忘歡樂時生當復來歸死當長相思
春花喻少年時

三

黃鵠一遠別千里顧徘徊胡馬失其群思心常依依
何況雙飛龍羽翼臨當乖幸有絃歌曲可以喻中懷
請為遊子吟泠泠一何悲絲竹厲清聲慷慨有餘哀
長歌正激烈中心愴以摧欲展清商曲念子不得歸
俛仰內傷心淚下不可揮願為雙黃鵠送子俱遠飛
清商曲謂秋聲也

四

燭燭晨明月馥馥秋蘭芳芬馨良一作長夜發隨風聞
我堂征夫懷遠路遊子戀故鄉寒冬十二月晨起踐
燭燭有光也謂平曉之際月猶在也

渾淪切篤所以為
五言詩之祖

字之當人千萬
字

到婦力崇明德方
見至情至性不似他人一味送別套活也

嚴霜俯觀江漢流仰視浮雲翔良友遠別離各在天
一方山海隔中州相去悠且長嘉會難再遇歡樂殊
未央願君一作崇令德隨時愛景光

與蘇武詩三首

李陵

良時不再至離別在須臾屏營衢路側執手野踟躕
仰視浮雲馳奄忽互相踰風波一失所各在天一隅
長當從此別且復立斯須欲因晨風發送子以賤軀

二

携手上河梁遊子暮何之徘徊蹊路側恨恨一作不
能辭行人難久留各有長相思安知非日月弦望自

江漢流浮雲翔皆喻客游也
中州帝都也

屏營志恐懼也

有時努力崇明德皓首以為期

三

嘉會難再遇三載為千秋臨河濯長纓念子一作悵

悠悠遠望悲風至對酒不能酬行人懷往路何以慰

我愁獨有盈觴酒與子結綢繆

怨歌行

班婕妤

新裂一作齊純素皎鮮一作潔如霜雪裁成一作合歡

扇團團一作似明月出入君懷袖動搖微風發常恐

秋節至涼飈一作奪炎熱棄捐篋笥中恩情中道絕

四愁詩并序

張衡

張衡不樂久處機密密陽嘉中出為河間相時國王

驕奢不遵法度又多豪右并兼之家衡下車治威

嚴能內察屬縣姦猾行巧劫皆密知名下吏收捕

盡服擒諸豪俠遊客悉惶懼逃出境郡中大治爭

訟息獄無繫囚時天下漸弊鬱鬱不得志為四愁

詩效屈原以美人為君子以珍寶為仁義以水深

雪雰為小人思以道術為報貽於時君而懼讒邪

不得以通其辭曰

一思曰我所思兮在太山欲往從之梁父艱側身東

望涕霑翰美人贈我金錯刀何以報之英瓊瑤路遠

悲風至不能飲酒完
竟非酒不可慰愁多
少曲折宛轉

古有此曲而班婕妤
擬之趙飛燕寵甚婕
妤失寵故有是篇

題序為愁而此為思

者愁出於思故也

翰字平声

純素細絹出

于齊國

三四句皆喻威

美之詞飾

五六句謂蒙恩

幸之時也

泰山以喻時

君梁父以喻

小人

翰衣襟也如鳥

之有羽翰也

莫致倚道遙何為懷憂心煩勞

二

二思曰我所思今在桂林欲往從之湘水深側身南望涕霑襟美人贈我金琅玕何以報之雙玉盤路遠莫致倚惆悵何為懷憂心煩傷

張字平声

桂林南郡舜所游托思明君也琅玕美玉也

三

三思曰我所思今在漢陽欲往從之隴阪長側身西望涕霑裳美人贈我貂襜褕何以報之明月珠路遠莫致倚踟躕何為懷憂心煩紆

四

四思曰我所思今在雁門欲往從之雪雰雰側身北望涕霑巾美人贈我錦繡段何以報之青玉案路遠莫致倚增歎何為懷憂心煩惋

惋怨也

古詩十九首

無名氏

玉案君所憑倚喻大臣亦為天子所恃也

行行重行行與君生別離相去萬餘里各在天一涯道路阻且長會面安可知一作胡馬依鳥巢南枝相去日已遠衣帶日已緩浮雲蔽白日遊子不顧返思君令人老歲月忽已晚棄捐勿復道努力加餐飯

胡馬依北越鳥巢南皆不能忘卒而遊子獨不返故鄉是以令人思也

漢陽岐西也謂西伯行化之所故思岐西有隴阪九曲踟躕行而不進也煩紆思亂也

雁門郡名在北帝嶺頭之位也北方多雪終二雨雪貌

字皆珍

二

述

青青河畔柳鬱鬱園中柳盈盈樓上女皎皎當牕牖
娥娥紅粉妝纖纖出素手昔爲倡家女今爲蕩子婦
蕩子行不歸空牀難獨守

三

青青陵上栢磊磊澗中石人生天地間忽如遠行客
斗酒相娛樂聊厚不爲薄驅車策駑馬遊戲宛與洛
洛中何鬱鬱冠帶自相索長衢羅夾巷王侯多第宅
兩宮遙相望雙闕百餘尺極宴娛心意戚戚何所迫

四

今日良宴會歡樂難具陳彈箏奮逸響新聲妙入神

漢武之時不守窮
賦守窮賦可不守
可

令德唱高言識曲聽其真齊心同所願含意俱未伸
人生寄一世奄忽若飈塵何不策高足先捷要路津
無爲守窮賤軼軻長苦辛

五

西北有高樓上與浮雲齊交疏結綺牕阿閣三重階
上有絃歌聲音響一何悲誰能爲此曲無乃杞梁妻
清商隨風發中曲正徘徊一彈再三歎慷慨有餘哀
不惜歌者苦但傷知音稀願爲雙鴻鵠奮翅起高飛

六

此詩懷友之意也

涉江采芙蓉蘭澤多芳艸采之欲遺誰所思在遠道

此等宛委曲折以不
露爲妙

奄忽也飈塵
之起不久即
滅若言亦不
久也

陶有四阿謂
之行阿四阿
若今四注者也

促織蟋蟀也五秋得寒

若促使織故云

露此

兔絲女蘿並草有蔓

而密言結婚情如此

蕙蘭與竹各有志義

原不好言

還顧望舊鄉長路漫漫浩浩同心而離居憂傷以終老

七

此篇刺交知既貴而遺故也

明月皎夜光促織鳴東壁玉衡指孟冬衆星何歷歷
白露霑野艸時節勿復易秋蟬鳴樹間玄鳥逝安適
昔我同門友高舉振六翮不念携手好棄我如遺跡
南箕北有斗牽牛不負軛良無盤石固虛名復何益

八

冉冉孤生竹結根泰山阿與君爲新婚兔絲附女蘿
兔絲生有時夫婦會有宜千里遠結婚悠悠隔山陔
思君令人老軒車來何遲傷彼蕙蘭花含英揚光輝

竹結根于山阿喻婦人託身於君子

過時而不采將隨秋艸萎君亮執高節賤妾亦何爲

九

庭中有奇樹綠葉發華滋攀條折其榮將以遺所思
馨香盈懷袖路遠莫致之此物何足貴但感別經時

十

迢迢牽牛星皎皎河漢女纖纖擢素手札札弄機杼
終日不成章泣涕零如雨河漢清且淺相去復幾許
盈盈一水間脉脉不得語

婦人雖欲動于織而思念其夫不能成章可望而不可親故有是詞

十一

迴車駕言邁悠悠跡長道四顧何茫茫東風搖百草

姜落也

北斗七星第
五曰玉衡

寫天上事有景有情又極平常又極渾融

古人重榮名非徒為名也

此詩大抵感歲月易逝當從放達此以上是一首下燕趙另一首因韻同故誤為一首耳

所遇無故物焉得不速老盛衰各有時立身苦不早
人生非金石豈能長壽考奄忽隨物化榮名以為寶

十二

東城高且長透迤自相屬迴風動地起秋艸萋已綠
四時更變化歲暮一何速晨風懷苦心蟋蟀傷局促
蕩滌放情志何為自結束燕趙多佳人美者顏如玉
被服羅裳衣當戶理清曲音響一何悲絃急知柱促
馳情整巾帶沈吟聊躑躅思為雙飛燕銜泥巢君屋

十三

驅車上東門遙望郭北墓白楊何蕭蕭松柏夾廣路

下有陳死人杳杳即長暮潛寐黃泉下千載永不寤
浩浩陰陽移年命如朝露人生忽如寄壽無金石固
萬歲更相送賢聖莫能度服食求神僊多為藥所誤
不如飲美酒被服純與素

十四

去者日已疎來者日已親出郭門直視但見丘與墳
古墓犁為田松柏摧為薪白楊多悲風蕭蕭愁殺人
思還故里間欲歸道無因

十五

此詩與前二首意相發

生年不滿百常懷千歲憂晝短苦夜長何不秉燭遊

飲不飲都要死奈何此所以榮名以為寶也

悼慨英爽此其自
不死

樓帖寒蟲也 屬猛也

晨風鶴也

為樂當及時何能待來茲愚者愛惜費但為後世嗤
僊人王子喬難可與等期

十六

此詩述夢來之情

凜凜歲云暮螻蛄夕鳴悲涼風率已厲遊子寒無衣
錦衾遺洛浦同袍與我違獨宿累長夜夢想見容輝
良人維古歡枉駕惠前綏願得常巧笑攜手同車歸
既來不須臾又不處重闈亮無晨風翼焉能凌風飛
眇眇以適意引領遙相睎徙倚懷感傷垂涕霑雙扉
孟冬寒氣至北風何慘慄愁多知夜長仰觀眾星列

十七

此詩述書至之意

三五明月滿四五蟾兔缺客從遠方來遺我一書札
上言長相思下言久離別置書懷袖中三歲字不滅
一心抱區區懼君不識察

三五謂十五日也四五謂二十日蟾兔月中精形至二十日缺此感時月屢改行人不至

十八

客從遠方來遺我一端綺相去萬餘里故人心尚爾
文彩雙鴛鴦裁為合歡被著以長相思緣以結不解
以膠投漆中誰能別離此

十九

明月何皎皎照我羅牀幃憂愁不能寐攬衣起徘徊
客行雖云樂不如早旋歸出戶獨徬徨愁思當告誰

絕妙樂府作樂府
亦可作五言詩亦可

要知不是此時寄書
乃三年前事此時思
墨起

長城家信所築也言征戎之客至於長城而飲馬其婦思之故為此行也

起二句皆頂其意不覺輕便以其率真無一粉飾字也枯桑四句相挫有停客從一段根入門各自媚來初看似兩截細玩一篇如一

凡人不知嫌疑間者其人必漢故詩中二意連用不相礙耳

景與情離合之真真

引領還入房。淚下霑裳衣。

飲馬長城窟行

古樂府

青青河畔草。緜緜思遠道。遠道不可思。夙昔夢

五臣作宿

見之。夢見在我傍。忽覺在他鄉。他鄉各異縣。展轉不

可見。枯桑知天風。海水知天寒。入門各自媚。誰肯相

為言。客從遠方來。遺我雙鯉魚。呼童烹鯉魚。中有尺

素書。長跪讀素書。書中竟何如。上有加餐食。下有長

相憶。和謂室如枯桑無枝葉不知天風海水不凝凍不知天寒喻夫在遠不知婦之憂戚也雖有親戚之家皆入門而自愛誰相為慰安者乎魚者深隱之物不令漏洩之意又素絹也古人為書多於于絹

君子行

君子防未然。不處嫌疑間。瓜田不納履。李下不正冠。

嫂叔不親授。長幼不比肩。勞謙得其柄。和光甚獨難。

周公下白屋。吐哺不及餐。一沐三握髮。後世稱聖賢。

傷歌行

昭昭素明月。暉光燭我牀。憂人不能寐。耿耿夜何長。

微風吹闥闥。羅帷自飄颺。攬衣曳長帶。履下高堂。

東西安所之。徘徊以彷徨。春鳥翻南飛。翩翩獨翱翔。

悲聲命儔匹。哀鳴傷我腸。感物懷所思。泣涕忽霑裳。

佇立吐高吟。舒憤訴穹蒼。

長歌行

青青園中葵。朝露待日晞。陽春布德澤。萬物生光輝。

述

尚至以朴

常恐秋節至，焜黃華葉衰。百川東到海，何時復西歸。
少壯不努力，老大徒傷悲。

魏

短歌行

魏武帝

對酒當歌，人生幾何？譬如朝露，去日苦多。慨當以慷，
憂思難忘。何以解憂？唯有杜康。青青子衿，悠悠我心。
但為君故，沈吟至今。呦呦鹿鳴，食野之苹。我有嘉賓，
鼓瑟吹笙。明明如月，何時可掇？憂從中來，不可斷絕。
越陌度阡，枉用相存。契闊譚讌，心念舊恩。月明星稀，
烏鵲南飛，繞樹三匝，何枝可依山？不厭高，海不厭深。

通篇老渾沉雄，自不易及。

周公吐哺，天下歸心。

苦寒行

北上太行山，艱哉何巍巍。羊腸阪詰屈，車輪爲之摧。
樹木何蕭索，善作瑟北風聲正悲。熊羆對我蹲，虎豹夾
路啼。谿谷少人民，雪落何霏霏。延頸長歎息，遠行多
所懷。我心何怫鬱，欲思一東歸。水深橋梁絕，中道善作
路。正徘徊，迷惑失故路。薄暮無所棲，行行日已遠。人
馬同時饑，擔囊行取五臣作采薪。斧冰持作糜，悲彼東山
詩。悠悠使我哀。

善哉行

魏文帝

二十四日前後次第起，伏不赴，毫末不對，待此乃大家。

焜黃華葉衰

前一半好第以一轉後
自人生如寄至聊以忘憂
輕薄少蘊藉矣

此種雜體柏梁詩文氣
行靡已開六代遺觴
蕭瑟搖落恒二字而俱
是湊句字眼三微書五
手筆頗弱

起句稍淡

上山采薇薄暮苦饑谿谷多風霜露霑衣野雉群雊
猴猿相追還望故鄉鬱何壘壘高山有崖林木有枝
憂來無方人莫之知人生如寄多憂何為今我不樂
日善作月如馳湯湯川五臣流中有行舟隨波轉薄

燕歌行

秋風蕭瑟天氣涼艸木搖落露為霜群燕辭歸雁南
翔念君客遊思斷腸慊慊思歸戀故鄉何為淹留寄
他方賤妾斃斃守空房憂來思君不敢忘不覺淚下
霑衣裳援琴鳴絃發清商短歌微吟不能長明月皎

皎照我牀星漢西流夜未央牽牛織女遙相望爾獨
何辜限河梁

芙蓉池作

乘輦夜行遊逍遙步西園雙渠相溉灌嘉木繞通川
卑枝拂羽蓋修條摩蒼天驚風扶輪轂飛鳥翔我前
丹霞夾明月華星出雲間上天垂光彩五色一何鮮
壽命非松喬誰能得神仙遨遊快心意保已終百年

雜詩二首

漫漫秋夜長烈烈北風涼展轉不能寐披衣起彷徨
彷徨蘇云文徬徨忽已久白露霑我裳俯視清水波仰看明

雜詩二首

劉仕刻

星漢天河也
央中也

卑低也修長
也摩天之高
也

月光天漢。西流三五。正縱橫。艸蟲鳴。何悲孤雁。獨
南翔。鬱鬱多悲思。綿綿思故鄉。願飛安得翼。欲濟河
無梁。向風長歎息。斷絕我中腸。

二

西北有浮雲。亭亭如車蓋。惜哉時不遇。適與飄風會。
吹我東南行。行行至吳會。吳會非我鄉。安得久留滯。
棄置勿復陳。客子常畏人。

8 上責躬詩

曹植

於穆顯考。時惟武皇。受命于天。寧濟四方。朱旗所拂。
九土披攘。玄化滂流。荒服來王。超商越周。與唐比蹤。

篤生我皇。奕世載聰。武則肅烈。文則時雍。受禪于

炎作漢君。臨萬邦。萬邦既化。率由舊則。廣命懿親。以藩

王國。帝曰爾侯。君茲青土。奄有海濱。方周于魯。車服

有輝。旗章有叙。濟濟雋乂。我彌我輔。伊予小子。恃寵

驕盈。舉挂時綱。動亂國經。作藩作屏。先軌是隳。傲我

犯我國有典刑。我削我紕。集作將寘于理。元兇是率。

明明天子。時惟篤類。一作時不忍我刑。暴之朝肆。違

彼執憲。哀予小臣。一作改封兗邑。于河之濱。股肱弗

置。有君無臣。荒淫之闕。誰弼予身。玃玃僕夫。于彼冀

方。嗟予小子。乃罹斯殃。赫赫天子。恩不遺物。冠我玄

浮雲首喻言不固也亭
雲止貌 不遇言不得於上
飄風喻讒諂也
奴白欠體且輕
寃

冕要我朱紱光光大一作天使我榮我華剖符授玉一作

上王爵是加仰齒金璽俯執聖策皇恩過隆祗承怵

惕咨我小子頑兇是嬰逝慙陵墓存愧闕庭匪敢傲

德實恩是恃威靈改加足以沒齒昊天罔極生魏志作性

命不圖常懼顛沛抱罪黃墟願蒙矢石建旗東嶽庶

立毫釐微功自贖危軀授命知足免戾甘赴江湘奮

戈吳越天啟其衷得會京畿遲奉聖顏如渴如饑心

之云慕愴矣其悲天高聽卑皇宵照微

○ 應詔詩

肅承明詔應會皇都星陳夙駕秣馬脂車命彼掌徒

肅我征旅朝發轡臺夕宿蘭渚芒芒原隰祁祁士女

經彼公田樂我稷黍爰有樛木重陰匪息雖有餽糧

饑不遑食望城不過面邑不遊僕夫警策平路是由

玄駟藹藹揚鑿漂沫流風翼衡輕雲承蓋涉澗之濱

緣山之隈遵彼河澣黃坂是階西躋關谷或降或升

駢駟倦路載寢載興將朝聖皇匪敢晏寧弭節長驚

指日遄征前驅舉燧後乘抗旌輪不輟運鑿無廢聲

爰暨帝室稅此西墉嘉詔未賜朝覲莫從仰瞻城闕

俯惟闕庭長懷永慕憂心如醒

○ 朔風詩五章

醒酒病也

奉燈謂執火夜行也

漂沫謂行急馬口中沫出也

燕列也

子建詩情文益茂
如文帝不能及也

仰彼朔風用懷魏都願騁代馬倏忽北徂凱風永至
思彼蠻方願隨越鳥翻飛南翔一四氣代謝縣景運
周別如俯仰脫若三秋昔我初遷朱華未稀今我旋
止素雪云霏二俯降千仞仰登天阻風飄蓬飛載離
寒暑千仞易陟天阻可越昔我同袍今永乖別三子
好芳艸豈忘爾貽繁華將茂秋霜悴之君不垂眷豈
云其誠秋蘭可喻桂樹冬榮四絃歌蕩思誰與銷憂
臨川慕思何為汎舟豈無和樂遊非我隣誰忘汎舟
愧無榜人五

公宴詩

公子敬愛客終宴不知疲清夜遊西園飛蓋相追隨
明月澄清影列宿正參差秋蘭被長坂朱華冒綠池
潛魚躍清波好鳥鳴高枝神飈接丹轂輕輦隨風移
飄飄放志意千秋長若斯

送應氏二首

步登北邙坂遙望洛陽山洛陽何寂寞宮室盡燒焚
垣墻皆頽擗荆棘上參天不見舊耆老但覩新少年
側足無行徑荒疇不復田遊子久不歸不識陌與阡
中野何蕭條千里無人煙念我平常居一作平氣結
不能言

代馬胡馬也

懸景日也運
行也周謂終

歲也

朱華春英也

未希言未凋

謝也

起教語何等氣概

8 二

清時難。屢得嘉會不可常。天地無終極。人命若朝霜。
願得展。嫵婉我友之朔方。親昵竝集送。置酒此河陽。
中饋豈獨薄。賓飲不盡觴。愛至望苦深。豈不愧中腸。
山川阻且遠。別促會日長。願為比翼鳥。施翮起高翔。

三良詩

功名不可為。忠義我所安。秦穆先下世。三臣皆自殘。
生時等榮樂。既沒同憂患。誰言捐軀易。殺身誠獨難。
攬涕登君墓。臨穴仰天歎。長夜何冥冥。一往不復還。
黃鳥為悲鳴。哀哉傷肺肝。

為強為也

墓中不明是謂長夜冥暗貌

畢竟此等語是肺肝
中止

七哀詩

明月照高樓。流光正徘徊。上有愁思婦。悲歎有餘哀。
借問歎者誰。言是宕子妻。君行踰十年。孤妾常獨棲。
君若清路塵。妾若濁水泥。浮沈各異勢。會合何時諧。
願為西南風。長逝入君懷。君懷良不開。賤妾當何依。

贈徐幹

驚風飄白日。忽然歸西山。圓景光未滿。眾星燦以繁。
志士營世業。小人亦不閒。聊且夜行遊。遊彼雙闕間。
文昌鬱雲興。迎風高中天。春鳩鳴飛棟。流焱激樞軒。
顧念蓬室士。貧賤誠足憐。薇藿弗充虛。皮褐猶未全。

圓景月也眾星喻羣小也
夜行喻暗朝也

起起忽不羣

魏詩上

錢

慷慨有悲心。與文自成篇。寶棄怨何人。和氏有其德。
彈冠俟知己。知己誰不然。良田無晚歲。膏澤多豐年。
亮懷璠璣美。積久德愈宣。親交義在敦。申章復何言。

贈丁儀

初秋涼氣發。庭樹微銷落。凝霜依玉除。清風飄飛閣。
朝雲不歸山。霖雨成川澤。黍稷委疇隴。農夫安所獲。
在貴多忘賤。為恩誰能博。狐白足禦冬。焉念無衣客。
思慕延陵子。寶劍非所惜。子其寧爾心。親交義不薄。

贈王粲

端坐苦愁思。攬衣起西遊。樹木發春華。清池激長流。
中有孤鴛鴦。哀鳴求匹儔。我願執此鳥。惜哉無輕舟。
欲歸忘故道。顧望但懷愁。悲風鳴我側。羲和逝不留。
重陰潤萬物。何懼澤不周。誰令君多念。自使懷百憂。

又贈丁儀王粲

從軍度函谷。驅馬過西京。山岑高無極。涇渭揚濁清。
壯哉帝王居。佳麗殊百城。員闕出浮雲。承露槩秦清。
皇佐揚天惠。四海無交兵。權家雖愛勝。全國為令名。
君子在末位。不能歌德聲。丁生怨在朝。王子歡自營。
歡怨非貞則。中和誠可經。

贈白馬王彪 七章并序

和氏喻知己

良田膏澤喻君德也無晚歲多豐年喻必榮也

重陰謂雨露也

權家兵家也

黃初四年正月白馬王任城王與余俱朝京師會
節氣到洛陽任城王薨至七月與白馬王還國後
有司以二王歸藩道路宜異宿止意毒恨之蓋以
大別在數日是用自剖與王辭焉憤而成篇

謁帝承明廬逝將歸舊疆清晨發華邑日夕過首陽

伊洛廣曠一作曠且深欲濟川無梁汎舟越洪濤怨彼東

路長顧瞻戀城闕引領情內傷一太谷何寥廓山樹

鬱蒼蒼霖雨泥我塗流潦浩縱橫中達絕無軌改轍

登高岡修坂造雲日我馬玄以黃二玄黃猶能進我

思鬱以紆鬱紆將何念今本作難進親愛在離居本圖相

與偕中更不克俱鳴臬鳴衡軛豺狼當路衢蒼蠅間

白黑讒巧反今本作今本親疎欲還絕無蹊攬轡止踟蹰三

踟蹰亦何留相思無終極秋風發微涼寒蟬鳴我側

原野何蕭條白日忽西匿歸鳥赴喬林翩翩厲羽翼

孤獸走索群銜艸不遑食感物傷我懷撫心長太魏志

歎作息四太息將何為天命與我違奈何念同生一往

形不歸孤魂翔故域靈柩寄京師存者忽復一作過

亡沒身自哀人生處一世去若朝露晞年在桑榆間

影響不能追自顧非金石咄咄志作令人悲五心悲

動我神棄置莫復陳丈夫志四海萬里猶比隣恩愛

伊洛水名

遠道也既多泥
但改水便道登
高岡以行

鳴臬豺狼以喻
小人正衡軛車較
也

啼乾也桑榆
以前人之行老
顧念也咄咄大
驚歎也

苟不虧在遠分日親何必同衾幃然後展慇懃憂思
成疾痲無乃兒女仁倉卒骨肉情能不懷苦辛苦
幸何慮思天命信可疑虛無求列僊松子久吾欺戀
故在斯須百年誰能持離別永無會執手將何時王
其愛玉體俱享黃髮期收淚卽長路志作塗援筆從此
辭七

贈丁翼

嘉賓墮城闕豐膳出中厨吾與二三子曲宴此城隅
秦箏發西氣齊瑟揚東謳肴來不虛歸觴至反無餘
我豈狎異人朋友與我俱大國多良材譬海出明珠

曲宴奏曲而宴也

起自與截

可經可詠可言可
身真服子建

雜詩六首

○ 君子義休待小人德無儲積善有餘慶榮枯立可須
泊蕩固大節時俗多所拘君子通大道無願爲世儒
○ 高臺多悲風朝日照北林之子在萬里江湖迥且深
方舟安可極離思故難任孤雁飛南遊過庭長哀吟
○ 翹思慕遠人願欲托遺音形影忽不見翩翩傷我心
○ 二

泊蕩故道也

轉蓬離本根飄颻隨長風何意迴飈舉吹我入雲中
高高上無極天路安可窮類此遊客一作流宕子捐軀遠
從戎毛褐不掩形薇藿常不充去去莫復道沈憂令

人老

○三

西北有織婦綺縞何繽紛明晨秉機杼日昃不成文
太息終長夜悲嘯入青雲妾身守空閨良人行從軍
自期三年歸今已歷九春飛玉臺作孤鳥遶樹翔噉噉鳴
索群願為南流景馳光見我君

○四

南國有佳人容華若桃李朝遊江北岸夕宿瀟湘汜
時俗薄朱顏誰為發皓齒俯一作仰歲將暮榮耀難
欠恃

渾厚宛結漢初
遠則

發皓齒言格
口存之也

○五

僕夫早嚴駕吾將遠行遊遠遊欲何之吳國為我讎
將騁萬里途東路安足由江介多悲風淮泗馳急流
願欲一輕濟惜哉無方舟閒居非吾志甘心赴國憂

○六

飛觀百餘尺臨牖御櫺軒遠望周千里朝夕見平原
烈士多悲心小人媮自閒國離亮不塞甘心思喪元
拊劍西南望思欲赴太山絃急悲聲發聆我慷慨言

六原之文

柳憑也

○情詩

微陰翳陽景清風飄我衣遊魚潛綠水翔鳥薄天飛

陽景日也

情詩

三

劉榮刻

細讀此詩子達乃真君
子也孰知其家有此人
耶宜乎童猶不同也

道篇序亦惟存叔
然絕有氣力

連翩二句稜可省

耿耿客行士逢役不得歸始出嚴霜結今來白露晞
遊子歎黍離處者歌式微慷慨對嘉賓悽愴內傷悲

○ 笙篴引

置酒高殿上親友宋書作交從我遊中厨辦豐膳烹羊宰

肥牛秦箏何慷慨齊瑟和且柔陽阿奏奇舞京洛出

名謳樂飲過三爵緩帶傾庶羞主稱千金壽賓奉萬

年酬久要不可忘薄終義所尤謙謙君子德馨折欲

何求驚風飄白日光景馳西流盛時不可再百年忽

我適生存華屋處零落歸山丘先民誰不死知命復

何憂右一曲晉樂所奏今四解

○ 名都篇

名都多妖女京洛出少年寶劍直千金被服麗且鮮

鬪雞東郊道走馬長楸間馳騁未能半雙兔過我前

攬弓捷鳴鏑長驅上南山左挽因右發一縱兩禽連

餘巧未及展仰手接飛鳶觀者咸稱善衆工歸我妍

歸來宴平樂美酒斗十千膾鯉膾胎蝦炮鼈炙熊踏

鳴儔嘯匹侶列坐竟長筵連翩擊鞠攘巧捷惟萬端

白日西南馳光景不可攀雲散還城邑清晨復來還

○ 美女篇

美女妖且閒採桑岐路間柔條紛冉冉落葉何翩翩

始出謂初出征
時自冬至秋還
授經年也

馨折曲躬也

獨前也發兵
曰縱

熊踏熊掌也

柔條桑枝也
冉冉動貌

木難金楚鳥沫所成碧
五色珠也大秦國珍

統行句或叙或問或

答叙多少宛結在底不

見疏

攘袖見素手皓腕約金環頭上金爵釵腰珮翠琅玕
明珠交玉體珊瑚間木難羅衣何飄颻輕車隨風還
顧盼遺光彩長嘯氣若蘭行徒用息駕休者以忘餐
借問如安居乃在城南端青樓臨大路高門結重關
容華耀朝日誰不希令顏媒氏何所管玉帛不特安
佳人慕高義求賢良獨難衆人徒嗷嗷安知彼所觀
盛年處房室中夜起長歎

白馬篇

白馬飾金羈連翩西北馳借問誰家子幽并遊俠兒
少小去鄉邑揚聲沙漠垂宿昔乘良弓楛矢何參差

幽并二國名

沙漠北方流沙

也楛矢竹箭

首四句起後俱是述

即起問之句

控絃破左的右發摧月支仰手接飛猱俯身散馬蹄
狡捷過猿猴勇剽若豹螭邊城多警急胡虜虜一作虜數
遷移羽徽從北來厲馬登高隄長驅蹈匈奴左顧陵
鮮卑棄身鋒刃端性命安可懷父母且不顧何言子
與妻名編五臣作在壯士籍不得中顧私捐軀赴國難視
死忽如歸

贈蔡子篤詩

王粲

翼翼飛鸞載飛載東我友云徂言戾舊邦舫舟翩翩
以泝大江蔚矣荒塗時行靡通慨我懷慕君子所同
悠悠世路亂離多阻濟岱江行邈焉異處風流雲散

逆水上行曰泝

凡流雲散一別如雨好

司

卷詩上

七

洪

金首追軼二雅離合殊
當

一別如雨人生實難願其弗與瞻望遐路允企伊佇
烈烈冬日蕭蕭淒風潛鱗在淵歸雁在軒苟非鴻鵬
孰能飛翻雖則追慕予思罔宣瞻望東路慘悽增歎
率彼江流爰逝靡期君子信誓不遷于時及子同寮
生死固之何以贈行言授斯詩中心孔悼涕淚漣漣
嗟爾君子如何勿思

贈士孫文始

天降喪亂靡國不夷我暨我友自彼京師宗守盪失
越用遁違遷于荆楚在漳之湄在漳之湄亦克晏處
和通篋墳比德車輔既度禮義卒獲笑語庶茲永日

夷滅也
滔岸也

無譽厥緒雖曰無讐時不我已同心難事乃有逝止
橫此大江淹彼南汜我思弗及載坐載起惟彼南汜
君子居之悠悠我心薄言慕之人亦有言靡日不思
矧伊嫵婉胡不悽而晨風夕逝託與之期瞻仰王室
慨其永歎良人在外誰佐天官四國方阻俾爾歸藩
爾之歸藩作式下國無曰蠻裔不虔汝德慎爾所王
率由嘉則龍雖勿用志亦靡忒悠悠澹澹鬱彼唐林
雖則同城邈其迥深白駒遠志古人所箴允矣君子
不遐厥心既往既來無密爾音

贈文叔良

軒飛說

名言至論涉世皆然豈朽
使臣

厚字好

起自公謙詩作若移
作小聚便不成况

崇岡詩人語古人有

遠言亦復

願我賢主人六萃

翩翩者鴻率彼江濱君子于征爰聘西隣臨此洪渚
伊思梁岷爾行孔邈如何勿勤君子敬始慎爾所主
謀言必賢錯說申輔延陵有作僑盼是與先民遺跡
來世之矩既慎爾主亦迪知幾探情以華覩著知微
視明聽聰靡事不惟董褐荷名胡寧不師衆不可蓋
無尚我言梧宮致辯齊楚構患成功有要在衆思歡
人之多思掩之實難瞻彼黑水滔滔其流江漢有卷
允來厥休二邦若否職汝之由緬彼行人鮮克弗留
尚哉君子異于他讎人誰不勤無厚我憂惟詩作贈
敢詠在舟

公孫喬子產也
羊舌肸叔向也

公謙詩

昊天降豐澤百卉挺茂蕤涼風撤蒸暑清雲却炎暉
高會君子堂竝坐蔭華榭嘉肴充圓方旨酒盈金壘
管絃發徽音曲度清且悲合坐同所樂但想杯行遲
常聞詩人語不醉且無歸今日不極歡含情欲待誰
見眷良不翅守分豈能違古人有遺言君子福所綏
願我賢主人與天享巍巍克符周公業奕世不可追

蕤蕤草木也
華榭屋也圓
方謂垣也

詠史詩

自古無殉死達人所共知秦穆殺三良惜哉空爾爲
結髮事明君受恩良不貲臨沒要之死焉得不相隨

妻子當門泣。兄弟哭路陲。臨穴呼蒼天。涕下如綆縻。
人生各有志。終不爲此移。同知埋身創。心亦有所施。
生爲百夫雄。死爲壯士規。黃鳥作哀詩。至今聲不虧。

綆。汲井繩也。縻。牛轡也。

○ 七哀詩二首

音還

西京亂無象。豺虎方遘患。復棄中國去。委身適荆蠻。
親戚對我悲。朋友相追攀。出門無所見。白骨蔽平原。
路有饑婦人。抱子棄艸間。顧聞號泣聲。揮涕獨不還。
未知身死處。何能兩相完。驅馬棄之去。不忍聽此言。
南登霸陵岸。回首望長安。悟彼下泉人。喟然傷心肝。

象道也

○ 二

荆蠻非我鄉。何爲久滯淫。方舟泝大江。日暮愁我心。
山岡有餘映。巖阿增重陰。狐狸馳赴穴。飛鳥翔故林。
流波激清響。猴猿臨岸吟。迅風拂裳袂。白露霑衣襟。
獨夜不能寐。攝衣起撫琴。絲桐感人情。爲我發悲音。
羈旅無終極。憂思壯難忍。

一作任

從軍詩五首

從軍有苦樂。但問所從誰。所從神且武。焉得久勞師。
相公征關右。赫怒震天威。一舉滅獯虜。再舉服羗夷。
西收邊地賊。忽若俯拾遺。陳賞越丘山。酒肉踰川坻。
軍中多沃饒。人馬皆溢肥。徒行兼乘還。空出有餘資。

淫。猶留也。

巖。山陰也。今復日暮。是增爲重陰矣。

未不自沒體世人不足取

不純 滴極且又氣之新鍊

體密義蘊六深

拓地三千里往返一如飛歌舞入鄴城所願獲無違
晝日處大朝日暮薄言歸外叅時明政內不廢家私
禽獸憚為犧良苗實已揮竊慕負鼎翁願厲朽鈍姿
不能效沮溺相隨把鋤犁熟覽夫子詩信知所言非

二

涼風厲秋節司典告祥刑我君順時發桓桓東南征
汎舟蓋長川陳卒被隰垆征夫懷親戚誰能無戀情
拊衿倚舟檣眷眷思鄴城哀彼東山人喟然感鸛鳴
日月不安處人誰獲恒善作常寧昔人從公旦一徂輒
三齡今我神武師暫往必速平棄余親睦恩輸力竭

鶴水鳥也

忠貞懼無一夫用報我素餐誠夙夜自併性思逝若
抽縈將乘先登羽豈敢聽金聲

三

從軍征遐路討彼東南夷方舟順廣川薄暮未安坻
印印半西山桑梓有餘輝蟋蟀夾岸鳴孤鳥翩翩飛
征夫心多懷善作惻愴令吾悲下船登高防艸露霑
我衣迴身赴牀寐此愁當告誰身服干戈事豈得念
所私即戎有授命茲理不可違

方也安坻謂擊舟于岸餘輝謂將夕也

四

朝發鄴都橋暮濟白馬津逍遙河隄上左右望我軍

仕

當時漢獻帝尚為王
策以聖君三字送德曹
接五策可斬也且王策
不得為其臣又云璧諸
真可味

篇中斷續襟皆仲宜為
孟把松臣不見進一歲風
之詞惟獻酒說大失三代
忠厚之音

連舫踰萬艘帶甲千萬人率彼東南路將定一舉勳
籌策運帷幄一由我聖君恨我無時謀譬諸具官臣
鞠躬中堅內微畫無所陳許歷為完士一言猶善作獨
敗秦我有素餐責誠愧伐檀人雖無鈇刀用庶幾奮
薄身

五

悠悠涉荒路靡靡我心愁四望無煙火但見林與丘
城郭生榛棘蹊徑無所由藿蒲竟廣澤葭葦夾長流
日夕涼風發翩翩漂吾舟寒蟬在樹鳴鶴鵠摩天遊
客子多悲傷淚下不可收朝入譙郡界曠然消人憂

鷄鳴達四境黍稷盈原疇館宅充鄜里士女滿莊墟
五臣作自非賢聖國誰能享斯休詩人美樂土黜客猶
願留

雜詩

日暮遊西園冀寫一作寫我憂思情曲池揚素波列樹敷
丹榮上有特棲鳥懷春向我鳴褫袵欲從之路險不
得征徘徊不能去佇立望爾形風颺揚塵起白日忽
已冥回身入空房託夢通精誠人欲天不違何懼不
合併

8 公燕詩

劉楨

鄜里市井也
莊墟皆道也

流波為魚防無味

且福華館句

靈鳥四句珍寶
甚

永日行遊戲歡樂猶未央遺思在玄夜相與復翱翔
輦車飛素蓋從者盈路傍月出照園中珍木鬱蒼蒼
清川過石渠流波為魚防芙蓉散其華菡萏溢金塘
靈鳥宿水裔仁獸遊飛梁華館寄流波豁達來風涼
生平未始聞歌之安能詳投翰長歎息綺麗不可忘

贈五官中郎將四首

昔我從元后整駕至南鄉過彼豐沛都與君共翱翔
四節相推斥季冬風且涼眾賓會廣坐明燈熺炎光
清歌製妙聲萬舞在中堂金壘含甘醴羽觴行無方
長夜忘歸來聊且為太康四牡向路馳歡悅誠未央

水裔水畔也
翰筆臺也

二

余嬰沈痼疾竄身清漳濱自夏涉玄冬彌曠十餘旬
常恐遊岱宗不復見故人所親一何篤步趾慰我身
清譚同日久情盼叙憂勤便復為別辭遊車歸西隣
素葉隨風起廣路揚埃塵逝者如流水哀此遂離分
追問何時會要我以陽春望慕結不解貽爾新詩文
勉哉修令德北面自寵珍

三

秋日多悲懷感慨以長歎終夜不遑寐叙意於濡翰
明燈曜閨中清風淒已寒白露塗前庭應門重其關

嬰纏也沈痼
久病也竄居也
清漳水名濱
畔也

選詩上

七

七

四節相推斥。歲月忽欲殫。壯士遠出征。戎事將獨難。
涕泣灑衣裳。能不懷所歡。

○ 四

涼風吹沙礫。霜風何皚皚。明月照緹幕。華燈散六輝。
賦詩連篇章。極夜不知歸。君侯多壯思。文雅縱橫飛。
小臣信頑鹵。僂俛安能追。

贈徐幹

誰謂相去遠。隔此西掖垣。拘限清切禁。中情無由宣。
思子沈心曲。長歎不能言。起坐失次第。一日三四遷。
步出北寺門。遙望西苑園。細柳夾道生。方塘含清源。
輕葉隨風轉。飛鳥何翩翩。乖人易感動。涕下與衿連。
仰視白日光。皦皦高且懸。兼燭八紘內。物類無頗偏。
我獨抱深感。不得與比焉。

○ 贈從弟三首

○ 二
汎汎東流水。磷磷水中石。蘋藻生其涯。華葉紛擾溺。
采之薦宗廟。可以羞嘉客。豈無園中葵。懿此出深澤。

○ 三
亭亭山上松。瑟瑟谷中風。風聲一何盛。松枝一何勁。
冰霜正慘愴。終歲常端正。豈不罹凝寒。松柏有本性。

鳳凰集南嶽徘徊孤竹根於心有不厭奮翅凌紫氛
豈不常勤苦羞與黃雀群何時當來儀將須聖明君

雜詩

職事相煩一作填委文墨紛消散馳翰未暇食日昃不
知晏沈迷簿領書回回自昏亂釋此出西城登高且
遊觀方塘含白水中有鳧與雁安得肅肅羽從爾浮
波瀾

侍五官中郎將建章臺集詩 應瑒

朝雁鳴雲中音響一何哀問子遊何鄉戢翼正徘徊
言我塞門來將就衡陽棲往春翔北土今冬客南淮

遠行蒙霜雪毛羽日摧頽常恐傷肌骨身隕沈黃泥
簡珠墮沙石何能中自諧欲因雲雨會濯翼凌高梯
良遇不可值伸眉路何階公子敬愛客樂飲不知疲
和顏既已暢乃肯顧細微贈詩見存慰小子非所宜
且爲極謹情不醉其無歸凡百敬爾位以副饑渴懷

8 百一詩 應瑒

下流不可處君子慎厥初名高不宿著易用受侵誣
前者隳官去有人適我間田家無所有酌醴焚枯魚
問我何功德三入承明廬所占於此土是謂仁智居
文章不經國筐篋無尺書用等稱才學往往見歎譽

不宿著暴得無根

本也

立意立格亦好

勢則然知天地間
有不死之法有乎

避席跪自陳賤子實空虛宋人遇周容慙媿靡所如

挽歌

繆襲

生時遊國都死沒棄中野朝發高堂上暮宿黃泉下
白日入虞淵懸車息駟馬造化雖神明安能復存我
形容稍歇滅齒髮行當墮自古皆有然誰能離此者

幽憤詩

嵇康

嗟余薄祜少遭不造哀焚靡識越在緹縲母兄鞠育
有慈無威恃愛肆姐不訓不師爰及冠帶憑寵自放
抗心希古任其所尚託好老莊賤物貴身志在守樸
養素全真曰余不敏好善闇人子玉之敗屢增惟塵

大人含弘藏垢懷耻民之多僻政不由已惟此褊心
顯明臧否感悟思愆怛若創痛欲寡其過謗議沸騰
性不傷物頻致怨憎昔慙桡惠今愧孫登內負宿心
外慙良朋仰慕嚴鄭樂道閒居與世無營神氣晏如
咨予不淑嬰累多虞匪降自天實由頑疎理弊患結
卒致囹圄對答鄙訛繫此幽阻實耻訟寃善作免時不
我與雖曰義直神辱志沮澡身滄浪豈云能補噫噫
鳴雁奮翼北遊順時而動得意忘憂嗟我憤歎會莫
能儔事與願違邁茲淹留窮達有命亦又何求古人
有言善莫近名奉時恭默咎悔不生萬石周慎安親

選詩上
保榮世務紛紜。祇攬予情安樂必誠。乃終利貞煌煌。
靈芝一年三秀。予獨何為有志不就。懲難思復心焉。
內疚庶鼎將來。無聲無臭采薇山阿。散髮曠岫永嘯。
長吟願性養壽。

贈秀才入軍五首

良馬既閒麗服有暉。左攬繁弱右接忘歸。風馳電逝。
躡景追飛。凌厲中原顧盼生姿。携我好仇載我輕車。
南凌長阜北厲清渠。仰落驚鴻俯引淵魚。盤于遊田。
其樂只且。

麗服戎服也

沈氏也

二

輕車迅邁息彼長林。春木載榮布葉垂陰。習習谷風。
吹我素琴。交交黃鳥顧儔弄音。感悟集作寤馳情思我。
所欽心之憂矣。永嘯長吟。

谷風春風習習
風和貌

吹鳥聲

三

浩浩洪流帶我邦畿。萋萋綠林奮榮揚暉。魚龍澆澗。
山鳥羣飛。駕言出遊日夕忘歸。思我良朋如渴如饑。
願言不獲愴矣其悲。

四

息徒蘭圃秣馬華山。流磻平臯垂綸長川。目送歸鴻。
手揮五絃。俯仰自得遊心太玄。嘉彼釣叟得魚忘筌。

郢人逝矣誰與盡言

五

閒夜肅清朗月照軒微風動桂組帳高寒旨酒盈樽
莫與交歡鳴琴在御誰為鼓彈仰慕同趣其馨若蘭
佳人不存能不永歎

雜詩

微風清扇雲氣四除皎皎亮月麗下高隅與命公子
携手同車龍驥翼翼揚鑣踟躕肅肅宵征造我友廬
光燈吐輝華幔長舒鸞觴酌醴神鼎烹魚絃超子野
歎過綿駒流詠太素俯讚玄虛孰克英賢與爾剖符

詠懷十七首

阮籍

夜中不能寐起坐彈鳴琴薄帷鑒明月清風吹我衿
孤鴻號外野翔鳥鳴北林徘徊將何見憂思獨傷心

二

二妃遊江濱逍遙順風翔交甫懷環珮婉孌有芬芳
倚靡情歡愛千載不相忘傾城迷下蔡容好結中腸
感激生憂思蕙艸樹蘭房膏沐為誰施其雨怨朝陽
如何金石交一旦更離傷

三

嘉樹下成蹊東園桃與李秋風吹飛藿零落從此始

婉孌美貌

金石交言固也

桂音衣衣福也

亮明也

剖符謂合契也

繁華有憔悴堂上生荆杞驅馬舍之去去上西山趾
一身不自保何況戀妻子凝霜被野艸歲暮亦云已

四

天馬出西征由來從東道春秋非有託富貴焉常保
清露被臯蘭凝霜霑野艸朝為媚五臣作美少年夕暮成
醜老自非王子晉誰能常美好

五

平生少年時輕薄好絃歌西遊咸陽中趙李相經過
娛樂未終極白日忽蹉跎驅馬復來歸反顧望三河
黃金百鎰盡資用常苦多北臨太行道失路將如何

古原為古風第一

六

昔聞東陵瓜近在青門外連畛距阡陌子母相鈎帶
五色曜朝日嘉賓四面會膏火自煎熬多財為患害
布衣可終身寵祿豈足賴

七

炎暑惟茲夏三旬將欲移芳樹垂綠葉青雲自逶迤
四時更代謝日月逝參差一作馳徘徊空堂上切怛莫
我知願覩卒歡好不見悲別離

八

灼灼西墮日餘光照我衣迴風吹四壁寒鳥相因依

願諸二句足見嗣宗生平

是詩上

畫

仕

富貴有其時非其時
不如多賤嗣宗豈性與
人殊哉

周周尚銜羽。蛩蛩亦念饑。如何當路子。磬折忘所歸。
豈為夸譽名。憔悴使心悲。寧與燕雀翔。不隨黃鵠飛。
黃鵠遊四海。中路將安歸。

九

步出上東門。北望首陽岑。下有采薇士。上有嘉樹林。
良辰在何許。凝霜霑衣襟。寒風震山崗。玄雲起重陰。
鳴雁飛南征。鷓鴣發哀音。素質遊商聲。悽愴傷我心。

十

北里多奇舞。濮上有微音。輕薄開遊子。俯仰乍浮沈。
捷徑自狹路。僂俛趨荒淫。焉見王子喬。乘雲翔鄧林。

獨有延年術。可以五臣慰我心。

十一

湛湛長江水。上有風樹林。臯蘭被徑路。青驪逝駸駸。
遠望令人悲。春風感我心。三楚多秀士。朝雲進荒淫。
朱華振芬芳。高蔡相追尋。一為黃雀哀。淚下誰能禁。

十二

昔日繁華子。安陵與龍陽。夭夭桃李花。灼灼有輝光。
悅懌若九春。磬折似秋霜。流盼發姿媚。言笑吐芬芳。
携手等歡愛。宿昔同衣裳。願為雙飛鳥。比翼共翱翔。
丹青著明誓。永世不相忘。

澤畔曰皋青驪馬也

朱華盛時也

悅懌敷榮時也磬折推毀時也言榮枯不齊也

商此正是清夜鐘
序

十三

登高臨四野北望青山阿松栢翳岡岑飛鳥鳴相過
感慨懷辛酸怨毒常苦多李公悲東門蘇子狹三河
求仁自得仁豈復歎咨嗟

十四

開秋兆涼氣蟋蟀鳴牀帷感物懷殷憂悄悄令心悲
多言焉所告繁辭將訴誰微風吹羅袂明月曜清暉
晨雞鳴高樹命駕起旋歸

十五

昔年十四五志尚好詩書被褐懷珠玉顏閔相與期

羨門子仙人出羨門
輕舉而我負累所以
自嗤

開軒臨四野登高望所思丘墓蔽山岡萬代一作同
一時千秋萬歲後榮名安所之乃悟羨門子噉噉令
自嗤

十六

徘徊蓬池上還顧望大梁綠水揚洪波曠野莽茫茫
走獸交橫馳飛鳥相隨翔是時鶉火中日月正相望
朔風厲嚴寒陰氣下微霜羈旅無儔匹俛仰懷哀傷
小人計其功君子道其常豈惜終惓惓詠言著斯章

鶉火中九月
十月之交也
朔北也

十七

獨坐空堂上誰可與歡者出門臨永路不見行車馬

登高望九州悠悠分曠野孤鳥西北飛離獸東南下
日暮思親友晤言用自寫

選詩上集

畢



